

# ጳውሎስ ተሴሎንቄ አሳሰ ፃፊዳ ኮይር ኪታ ጋሳ ቆፋ

ተሴሎንቄይ፡ ርሜ ቢታን ዳዒያ ማቄደኒያ አወራጃስ ዋና ካታማ። ጳውሎስ ፊልጲሲዩሳ ዩዲዲ ቢዳፔ ጉዬ ተሴሎንቄን ዋሳ ኬላ ኤሲስ። ገደሺን፡ አይሁዳታ አማኑዋ ኤካናው ጊጌቲዲ ኡቲዳ አይሁዳ ገደና አሳይ፡ ጳውሎስ ታማርሲያ፡ ኪሪስቲና አማኖ ቲሚርቲያን ያኔቲዳ ጊሾ አይሁዳቲ ቃናቲዲ፡ ጳውሎሳ ቲሚርቲያ ጳልቂዶሶና። ሄሳ ጊሾ፡ ጳውሎስ ጋምዖናሺን ተሴሎንቄ ዩዲዲ፡ ቤሪያ ቢስ (1:9-10)። ጉዬፔ ኢ ተሴሎንቄ ጋኪዳ ዋዴ ኢያ ማዲያ ፃሞቲዮሲ ተሴሎንቄ ዋሳ ኬላን ዳዒያ ሃኖታ ኢያው ጌሺዲ ኦዲስ።

ጳውሎስ ኮይር ኪታ ተሴሎንቄ አሳሰ ፃፊዳይ፡ አማኒያ አሳ ዘራናሳኔ ሚንሴላናሳ። ኢ ኤንታ አማኑዋኔ ኤንታ ሲቁዋ ሎዖ ማርካቴላ ሲዲዳ ዋዴ ያሳ ጋላቲስ። ካሴ ኢ ኤንታ ጊደን ዳዒዳ ዋዴ አይ ሜላ ዱሱ ዳዒዳኮ ኤንታ ሃሳይሴስ። ሄሳፊ ኪሪስቲሳ ናምዓንሉ ዩሳባ ኦይሾቲዳ ኦይሻስ ዛር ኢሜስ። ሄ ኦይሻታፔ ጉላቲ፡ «ኪሪስቲሳ ናምዓንሉ ያናፔ ሲንሴ ሃይቂዳ አማኒያ አሳ ኪሪስቲሳ ዩሳይ ኢሚያ ሜሪና ዴዖ ኤካናው ዳንዳዲ? ኪሪስቲሳ ናምዓንሉ ያናይ አዉዴ?» ጌቲቲይሳታ። ጳውሎስ ሄ ኢንጄ ዋዲያ ጎዔቲዲ፡ «ኪሪስቲሳ ናምዓንሉ ዩሳ ኡፋይሳን ናጊሼ ኢ ያና ጋካናው ዋፑ ጊዲ ሂንቲ ኦሶ ኦሊቲ» ያጊዲ ዘሪስ።

## 1 ተሴሎንቄ ኪታ አይፊ ቆፋታ

- ጌሎ ቆፋ 1:1
- ጳውሎሳ ኡፋይሳኔ ጋላታ 1:2-3:13
- አማኒያ አሳ ዴዖ ካሌሱዋ 4:1-12
- ኪሪስቲሳ ናምዓንሉ ዩሳባ 4:13-5:11
- ዉርሴላ ዘሬ 5:12-22
- ኩሻ ቆፋ 5:23-28

1 ጳውሎስ ሲላሴይኔ ፃሞቲዮሲ ተሴሎንቄ ዋሳ ኬላን ዳዒያ፡ ያሳ አዋባኔ ጎዳ ዩሱስ ኪሪስቲሳባ ጊዲዳ አሳሰ ፃፊዳ ኪታ።  
አጾ ኬሃቲላይኔ ሳርይ ሂንቲው ጊደ።

**ቴሴሎንቄ አሳ ደዑዋን አማኑዋ**

2 ኑኒ ያሳ ዋሲያ ዋዴ ኡባን ሂንቴና ቆፒሼ ሂንቴ ጊሾ ኡባ ዋዴ ያሳ ጋላቶስ። 3 ያሳ ኑ አዋ ሲንፋን አማኖን ሂንቴ አሊዳ ኡሱዋ፣ ሲቆን ሂንቴ ዳቡሪዳ ዳቡሪኔ ዬሱስ ኪሪስቶስን ደዒያ ኡፋይሳ ኤካናው ሂንቴ ሚኒዲ ኤቁዳ ኤቁዋ ኡባ ዋዴ ቆፖስ።

4 ኑ እሻቶ፣ ያሳይ ሂንቴና ደሴይሳን ባ አሴ አሊዲ ሂንቴና ደሪዳይሳ ኤሮስ። 5 አይስ ጊኮ፣ ኑኒ ዋንጌላ ዶና ፃላላን ጊዶናሺን ዋልቃን፣ ጌሻ አያናኒኔ ዋንጌላ ቱማ አማኖን ሂንቴው አሂዳ። ኑኒ ሂንቴራ ጋምዒዳ ዋዴ ኡባን ሂንቴ ጊሾ ዋኒዲ ደዒዳኮ ሂንቴ ኤሬታ። 6 ሂንቴ ዳሮ ሜቶ ኤኪኮካ ጌሻ አያናይ አሚያ ኡፋይሳን ከታ ኤኪዳታ፤ ኑናኔ ጎዳ ዳኒዳታ። 7 ሄሳ ጊሾ፣ ማቁደኒያን አካያ ቢታን ደዒያ አማኒያ ኡባስ ለሚሶ ጊዲዳታ። 8 ጎዳ ቃላይ ሂንቴፊ ኬዩዲ፣ ማቁደኒያን አካያ ፃላላን ጊዶናሺን ያሳ ሂንቴ አማኔይሲ ኡባሶን ሲዔቲስ። ሂዛ፣ ኑኒ ጋናባይ አይኮይካ ባዋ። 9 ኑኒ ሂንቴኮ ቢዳ ዋዴ ሂንቴ ኑና ዋኪዳ ዋኩዋን ሂንቴ፣ ሂንቴ ኤቃ አኒዲ ቱማኔ ዴያ ያሳ ሃጋዛው ሂንቴ ሲሚዳይሳ ኤንቲ ባንታ ሁዒን አዶሶና። 10 ቃሲ ያሳ ናዒይ፣ ዬሱሲ፣ ያሳይ ሃይቆፔ ዴንሊዳይሲ፣ ሲንፋፊ ያና ያሳ ሃንቁዋፊ ኑና አሻናይሲ፣ ሳሎፔ ያናይሳ ሂንቴ ናጌይሳ ኤንቲ ማርካቶሶና።

## 2

**ጳውሎሲ ቴሴሎንቄን አሊዳ አሱዋ**

1 ታ እሻቶ፣ ኑኒ ሂንቴኮ ቢዳይ ሚላ ጊዶናይሳ ሂንቴ፣ ሂንቴ ሁዒን ኤሬታ። 2 ሺን ኑኒ ሂንቴኮ ቴሴሎንቄ ያናፔ ሲንፋ ፊልጲሲዩሳ ካታማን ዋዩቲዳይሳን ጫዩቲዳይሳ ሂንቴ ኤሬታ። ዳሮ አይይ ደዒኮካ ሂንቴው አያ ዋንጌላ አዳና ሚላ ያሳይ ኑስ ሚኖቴሊ አሚስ። 3 ኑኒ ሂንቴና ዘሪዳይ ባሌሶን ዋይኮ ጨሞን ዋይኮ ጌኔን ጊዳና።

4 ሺን ያሳይ ኑናን አማኔቲዲ ባ ዋንጌላ አዳና ሚላ ኑስ ሃዳራ አሚዳ ጊሾ አዶስ። ኑ ሄሳ አሌይ ኑ ዋዛና ቤዒያ ያሳ ኡፋይሳናሳፊ አቲን አሴ ኡፋይሳናሳ ጊዳና። 5 ኑ ሚሾ ያሪዲ ዋርዶ ሂንቴና ሳቢሼ ሂንቴኮ ኮናይሳ ሎይሊዲ ኤሬታ፤ ያሳይ ኑስ ማርካ። 6 ኑኒ ሂንቴፊ ጊዲን ዋይኮ ሃራ አሳ ኡዴፊካ ቦንቾ ኮዩቦኮ። 7 ኑኒ ኪሪስቶስ ሃዋሬ ጊዳይሳዳ ኑስ ኮሺያባ አሚቴ ጊዲ ኤካናው

ዲንዳዎስ፡ ሺን ኣያ ባ ናይታ ዲቹይሳ ሜላ ሂንቴ ጊደን ኣሸኬ ጊዲዲ። 8 ኑ ሂንቴና ደሲዳ ጊሾ ያሳ ዋንጌላ ሂንቴው ሻኩ ዓላላ ጊደናሺን ኑ ዴቡዋካ ሂንቴው ኣማናው ጊጊዳ። ሂንቴ ኑስ ዳር ኣልዶ። 9 ኑ ኣሻቶ፡ ኑ ኣሱዋኔ ኑ ዳቡራ ኤሬታ። ሂንቴው ያሳ ዋንጌላ ኣዲሼ፡ ሂንቴና ዋይሶና ሜላ ቃማኔ ጋላስ ኣሊዳ።

10 ኑ ዴዎይ ሂንቴ ኣማኔይሳታ ማታኒኔ ያሳ ሲንላን ጌሺ፡ ዓሎኔ ቦሬቶናይሳ ጊዴይሳስ ሂንቴ ማርካ። 11 ኑኒ ሂንቴው ሁዔን ሁዔን ዩሊዳይሳቲ ባንታ ናይታስ ሃኔይሳዳ ሃኒዳይሳ ኤሬታ። 12 ኑ ሂንቴና ዞሪዳ፡ ሚንጮሊዳ። ቃሲ ባ ካዋቴላኔ ባ ቦንቹዋ ሻካናው ሂንቴና ያጊያ ያሳ ኡፋይሲያ ዴዎ ሂንቴ ዳና ሜላ ሂንቴው ሚንጮሊ ኦዲዳ።

13 ሂንቴው ኑኒ ያሳ ቃላ ኦዲዳ ዋዴ ኣሳ ቃላዳ ጊደናሺን ያሳ ቃላዳ ሲዒዲ ኤኪዳ ጊሾ ኑኒ ኡባ ዋዴ ያሳ ጋላቶስ። ኢ ቱማ ያሳ ቃላ፤ ያሳ ቃላይ ኣማኒያ ሂንቴናን ኣሌስ።

14 ታ ኣሻቶ፡ ሂንቴ ዩሁዳ ቢታን ዴዒያ ዋሳ ኬላታኔ ያን ኪሪሰቶስ ዩሱሳ ካሊያ ኣሳታዳ ሃኒዴታ። ኤንታ ኣይሁዴቲ ዋይሲዳይሳዳ ሂንቴናካ ሂንቴ ቢታ ኣሳይ ዋይሲደሶና። 15 ሄ ኣይሁዴቲ ጎዳ ዩሱሳኔ ናቤታ ዋዴደሶና፤ ቃሲ ኑና ጎዲደሶና። ኤንቲ ያሳ ኡፋይሶናይሳታኔ ኣሴ ኡባ ኢጄይሳታ። 16 ኤንቲ ሃሪ ኣቶሺን፡ ኣይሁዴ ጊደና ኣሳይ ኣታና ሜላ ኑኒ ኤንታው ቃላ ኦዴይሳ ዲጎሶና። ሄሳዳ ሃኒዲ ኤንታ ናጋራ ፀዓይ ኩማና ጋካናው ኡባ ዋዴ ናጋራ ኣሶሶና። ዉርሴላን፡ ያሳ ሃንቆይ ኤንታ ቦላ ዋዴስ።

**ጳውሎሲ ቴሴሎንቄ ኣሳ ዛሪ ቤዓናው ኣሞቲስ**

17 ሺን ኑ ኣሻቶ፡ ኑኒ ኑ ቆፋን ጊደናሺን ኣሾን ሂንቴፌ ሻኬቲዲ ጉላ ዋዴ ጋሞዒዳይሳን ሂንቴና ዳር ላሞቲዲ ቤዓናው ኮዩዳ። 18 ኑ ሲሚ ሂንቴኮ ባናው ኮዩዳ። ታኒ ታ ሁዔን ሂንቴኮ ባናው ኮያስ፡ ሺን ዓላሃይ ኑና ዲጊስ። 19 ሃዛ፡ ኑ ጎዳ ዩሱስ ኪሪሰቶሲ ያ ዋዴ ኑ ኡፋይሳይ ዋይኮ ኑ ጨቁቲያ ኑ ካላቻይ ኦኔ? ሂንቴና ጊዴኬቲዬ? 20 ቱማ ሂንቴ ኑ ቦንቹኔ ኑ ኡፋይሲ።

---

2:14 ሃ.ኦ 17:5    2:15 ሃ.ኦ 9:23፣ 29፤ 13:45፣ 50፤ 14:2፣ 5፣ 19፤ 17:5፣ 13፤ 18:12

### 3

1 ሃሳ ጊሾ፣ ኑስ ገንጫናው ዳንዳዔቶና ኢዲን፣ አቴና ካታማን ኑርካ አታናው ቆፋ ቃቹዳ። 2 ሂንቴና ዘራናዳኔ አማኖን ሂንቴና ሚንጭላናዳ ኑራ ኢሲፌ ያሳሰ ኦጭይሳኔ ኪሪሰቶሳ ዋንጌላ ኦዲያ ኑ አሻ ዲሞቲዮሳ ሂንቴኮ ኪቲዳ። 3 ሂንቴና ጋኪዳ ጎዳን ሂንቴፌ ኦኒካ ጉዬ ሲሞሮ። ሄ ጎዳይ ኑስ ያሳ ሸኔ ጊዳይሳ ሂንቴ፣ ሂንቴ ሁዔን ኤሬታ። 4 ኑ ሂንቴራ ዳዒያ ዋዴ ጎዳ ጋካናይሳ ሂንቴው ኮይሮቲዲ ኦዲዳ። ሂንቴ ኤሬይሳ ማላ ሃሳዳ ሃኒሰ። 5 ሃሳ ጊሾ፣ ታው ገንጫናው ዳንዳዔቶና ኢዲን፣ «ኦኒ ኤሪ ዓላሃይ ኤንታ ፓጩዲ ኑ ዳቡራ ማላ አሾና አጌና» ጋዳ ሂንቴ አማኑዋባ ኤራናው ዲሞቲዮሳ ሂንቴኮ ኪታሰ።

6 ሃዒ ዲሞቲዮሲ ሂንቴ ማታፔ ዪዲ፣ ሂንቴ አማኑዋባኔ ሂንቴ ሰቁዋባ ሎዎ ዋሬ ኦዲሰ። ቃሲ ሂንቴ ኡባ ዋዴ ኑስ ሎዎ ቆፔይሳኔ ኑኒ ሂንቴና ቤዓናው ላሞቴይሳዳ ሂንቴካ ኑና ቤዓናው ላሞቴይሳ ኢ ኑስ ኦዲሰ። 7 ታ አሻቶ፣ ኑና ጋኪያ ዋያኒኔ ኑ ሜቶ ኡባን ሂንቴ አማኑዋ ጊሾ ሂንቴናን ሚኔቲዳ። 8 ሂንቴ ጎዳን ሚኒዲ ዳዒኮ ኑካ ዳዎን ዳዎሰ። 9 ሂዛ፣ ኑኒ ሂንቴ ጋሶን ዳሚዳ ኡፋይሳሰ ያሳ ዋቲ ጋላቲኖ? 10 ኑኒ ሂንቴና ቤዓናውኔ ሂንቴ አማኑዋን ፓጩዳባ ኩንላናው ቃማኔ ጋላሰ ኑ ኩሜላ ዋዛናን ያሳ ዋሶሰ።

11 ያሳይ ኑ አዋይ ባ ሁዔኒኔ ኑ ጎዳይ ዬሱሰ ኪሪሰቶሲ ኑ ሂንቴኮ ባና ኦጊያ ጊጊሶ። 12 ኑ ሂንቴና ዳሮ ደሴይሳዳ ጎዳይ ሂንቴ ኢሶይ ኢሱዋ ሰቂያ ሰቆኔ አሴ ኡባ ሰቂያ ሰቆ ሂንቴው ዳርሶኔ ጉጅ። 13 ኑ ጎዳይ ዬሱሰ ኪሪሰቶሲ ባ ጌሻታራ ያ ዋዴ ያሳ፣ ኑ አዋ ሰንላን ሂንቴ ዋዛናይ ጌሺኔ ቦሬይ ባይናይሳ ኦጭዲ ኢ ሂንቴና ሚንጭላና።

### 4

#### ያሳ ኡፋይሲያ ዳዎ

1 ወርሴላን፣ ታ አሻቶ፣ ያሳ ኡፋይሳናው ሂንቴ ዋኒዲ ዳናው ቤሲያኮ ኑፔ ታማሪዴታ። ሄሲ ሂንቴ ኮይሮፔ ዳዒዳ ዳዐው፣ ሺን ሃዒ ሂንቴ ካሴይሳፌ አሉዲ ኦላናዳ ጎዳ ዬሱሳ ሱንላን ሂንቴና ዋሶሲኔ ዘርሰ። 2 ኑኒ ጎዳ ዬሱሳ ማታን ሂንቴና ኪቲዳ ኪታይ አወሴኮ ኤሬታ።

3 ያሳይ፣ ሂንቴ ጌሺ ጊዳና ማላኔ ላይማቶና ማላ ኮዬሰ። 4 ሂንቴ ኢሶይ ኢሶይ፣ ሂንቴ ማቹታራ ጌሻቲላኒኔ ቦንቾን ዳናው

---

3:1 ሃ.ኦ 17:15      3:6 ሃ.ኦ 18:5

ቤሴስ። 5 ያሳ ኤሮና ኣማኖና ኣሳዳ ላይማቴላ ኣሞን ፀጌቶፊቴ።  
 6 ኑ ካሴ ሂንቴው ኦዲዲይሳዳኔ ሚንሱ ዘሪዲይሳዳ ጎዳይ ሄሳ  
 ማለባ ኦሊያ ኡባ ፐርዲያ ጊሾ ኦኒካ ሃይሳታን ባ ኣማኒያ ኢሻ  
 ናቃናውኔ ጨማናው ቤሴና። 7 ያሳይ ኦኒ ጌሽቴላን ዳና ማለፔ  
 ኣቲን ቱናቴላን ዳና ማላ ፃጊቤና። 8 ሄሳ ጊሾ፡ ሃ ቲሚርቲያ  
 ኢዲያ ኦኒካ ሂንቴው ጌሻ ኣያና ኢሚያ ያሳ ኢፃሰፔ ኣቲን ኣሴ  
 ጊዳና።

9 ሂንቴ ኢሶይ ኢሱዋ ዋቲ ሲቃኔኮ ያሳይ ሂንቴና ታማርሲዳ  
 ጊሾ ሃዲ ሲቆባ ኑ ሀንቴው ፃፋናው ኮሼና። 10 ቃሲ ማቄዶኒያ  
 ቢታን ዳዲያ ኣማኒያ ኢሻታ ኡባ ቱማ ሂንቴ ደሴታ። ሺን ኑ  
 ኢሻቶ፡ ሃዲካ ሂንቴ ኤንታ ኣሱ ደሳና ማላ ሂንቴና ዋሶስ።

11 ኦኒ ካሴ ሂንቴው ኦዲዲይሳዳ ዋፑ ጊዳ ዳዑዋ ዳዲቴ።  
 ሂንቴ፡ ሂንቴ ኦሶ ኦሊዲ ሂንቴው ዲሳስ ኮሺያባ ዳሚቴ።  
 12 ሄሳዳ ሃኒኮ፡ ኣማኖናይሳታ ማታን ሂንቴ ቦንቼታና፤ ቃሲ ሂንቴና  
 ኮሺያባሰ ኦናካ ኣዳሼኬታ።

**ጎዳ ዩሳባ**

13 ኑ ኢሻቶ፡ ኣማኒዲ ሃይቂዳ ኣሳቲ ሃናናባ ሂንቴ ኤራና  
 ማላ ኮኖስ። ሂንቴ ኤንታ ጊሾ ኡፋይሲ ባይና ኣሳዳ ካኖቶፊቴ።  
 14 ኦኒ፡ ዬሱሱ ሃይቂዳይሳኔ ቃሲ ሃይቆፔ ዴንዲዲይሳ ኣማኖስ።  
 ሄሳዳካ፡ ያሳይ ዬሱሳ ኣማኒዲ ሃይቂዳይሳታ ኢያራ ዋላ ኤሃናይሳ  
 ኣማኖስ።

15 ጎዳይ ኦስ ኦዲዲይሳዳ ጎዳይ ያ ጋላስ ኢያራ ጋሂታናው  
 ኦኒ ጋፃ ዳዲይሳቲ፡ ሃይቂዳይሳታፔ ሲንላቶኮ። 16 ጎዳይ ዋልቃማ  
 ኪታራ፡ ኪታንቾታ ሃላቃ ጊርሳራ፡ ያሳ ሞይዜ ፑናራ፡ ሳሎፔ  
 ዋቆና። ኪሪሰቶሳ ኣማኒዲ ሃይቂዳይሳቲ ኮይርቲዲ ሃይቆፔ  
 ዴንዳና። 17 ሄሳፌ ጉዬ፡ ሄ ዋዴ ኦኒ ጋፃ ዳዲይሳቲ፡ ጎዳራ  
 ሻራን ጋሂታናው ኤንታራ ኢሲፌ ሳሎ ኤኬታና። ሄሳፌ ጉዬ፡ ኦኒ  
 ጎዳራ ኢሲፌ ማሪናው ዳና። 18 ሄሳ ጊሾ፡ ሃ ቃላን ኢሶይ ኢሱዋ  
 ሚንሱፊቴ።

**5**

**ጎዳ ዩሳ ጊጊዲ ናጊቴ**

1 ታ ኢሻቶ፡ ሃ ሃኖቲ ሃናና ዋዲያኔ ኣጌና ሂንቴው ፃፋናው  
 ኮሼና። 2 ጎዳ ጋላሳይ ካይሶይ ቃማ ዬይሳዳ ያናይሳ ሂንቴ ሎይሱ

---

4:15 1ቆር 15:51-52

ኤሬታ። 3 አሳይ፥ «ሳጺ ሳር፥ አይኮይካ ሃኔና» ያገሸን፥ ማጫስ አቁሏ ኦይኬይሳዳ ጳዮይ ኤንቲ ቆፖና ኤንታ ቦላ ያና። ኤንቲ አይ ኦጌንካ ከሴ ኤኮኮና።

4 ሺን ኑ አሻቶ፥ ሄ ጋላሳይ ሂንቲው ካይሶይ ዩይሳዳ ያናው ሂንቲ ቆማን ዴኤኬታ። 5 ሂንቲ ኡባይ ፖዖ አሲኔ ጋላሳን ዴዲያ አሲ፤ ኑኒ ቃማ አሲ ዋይኮ ቆማ አሲ ገደኮ። 6 ሄሳ ገሾ፥ ኑኒ ሃራቲ ጲሰኬይሳዳ ጲሰካናው ቤሴና፤ ኑኒ ባርካንዉኔ ገጊዲ ዳናው ቤሴሰ። 7 ጲሰኬይሳቲ ቃማ ጲሰኮሶና፤ ማላቲይሳቲ ቃማ ማላቶሶና። 8 ሺን ኑኒ ጋላሳ አሲ ገዲያ ገሾ ገገዲ ዳናው ቤሴሰ። አማኖኔ ሲቆ ፀሩሬዳ ቲራን ማዲዲ፥ አቶቴላ ኡፋይሳ ሁዔን ዋሊያ ኦላ ቢራታ ባርኔፃዳ ዋሊዲ ዳናው ቤሴሰ። 9 ያሳይ ኑና ኑ ጎዳ ዩሱሰ ኪሪሰቶሳ ባጋራ ኩሜላ አቶቴላ ኤካና ማላ ደሪሰፔ አቲን ሃንቆስ ደሪቤና። 10 ኑኒ ፓፃ ዴዲን ዋይኮ ሃይቁን፥ ኪሪሰቶሲ ያ ዋዴ ኢያራ ኢሲፌ ዳና ማላ ኪሪሰቶሲ ኑ ገሾ ሃይቁሰ። 11 ሄሳ ገሾ፥ ሂንቲ ካሴ ኦሌይሳዳ፥ ኢሶይ ኢሱዋ ማንሌሊቴኔ ዲቺቴ።

**ወርሴላ ዞሬኔ ሳርታ**

12 ኑ አሻቶ፥ ሂንቲ ገደን ኦሌይሳታ፥ ሂንቲና ካሌላና ማላኔ ዞራና ማላ ጎዳይ ደሪዳይሳታ ቦንቻና ማላ ሂንቲና ዋሶሰ። 13 ኤንቲ ኦሊያ ኦሱዋ ገሾ ኤንታ ዳር ቦንቺቴኔ ሲቁቴ። ኢሶይ ኢሱዋራ ሳርቴላን ዴዲቴ።

14 ኑ አሻቶ፥ ኑኒ ሂንቲና ዞርሰ። ቦዛታ ሃንቁቴ፤ ባቤይሳታ ማንሌሊቴ፤ ዳቡራንቸታ ማዲቴ፤ አሴ ኡባ ዳንዳዲቴ። 15 ኦኒካ ኢታ ገሾ ኢታ ዛርና ማላ ናጌቴቴ። ሂንቲ ዋሊሲኔ አሳ ኡባሰ ሎዖባ ኦላናው ማኒቴ።

16 ኡባ ዋዴ ኡፋይቴቴ። 17 ኡባ ዋዴ ያሳ ዋሲቴ። 18 ኡባባን ጋላቲቴ። ኪሪሰቶሰ ዩሱሳ ባጋራ ያሳይ ሂንቲፌ ኮዬይ ሄሳ።

19 ጌሻ ኢያና ኦሱዋ ቶይሶፒቴ። 20 ቲንቢቴ ቃላ ካጶፒቴ። 21 ኡባባ ፓጩቴ፤ ሎዖባ ኤኪቴ። 22 ኢታ ኦሶ ኡባፌ ሃኪቴ።

23 ሳር ኢሚያ ያሳይ ባ ሁዔን ሂንቲና ፖሎ ጌሾ። ኑ ጎዳይ ዩሱሰ ኪሪሰቶሲ ያና ጋላሳሰ፥ ያሳይ ሂንቲ ኢያና፥ ሂንቲ ሼምፑዋኔ ሂንቲ ኩሜላ አሳቴላ ቦሬይ ባይና ናጎ። 24 ሂንቲና ጭይሴሲ አማኔቲዳይሳ ገዲያ ገሾ ሄሳ ኢ ፖላና።

25 ኑ አሻቶ፥ ኑሰ ያሳ ዋሲቴ።

26 አማኒያ አሳ ኡባ ጌሻ ዩሬቴላን ሳርሊቴ።

27 ሂንቴ ሃ ኪታ አማኒያ አሳ ኡባሰ ናባባናዳ ጎዳ ሱንጻን ሂንቴና ዎሳይሰ።

28 ኑ ጎዳ ዩሱሰ ኪሪሰቶሳ አጼ ኬሃቴላይ ሂንቴራ ኢሲፊ ጊድ። አሚንዒ።

**ኦራሳ ጩቂዋ ጎፋላ**  
**New Testament in Gofa**

copyright © 2011 Wycliffe Bible Translators, Inc.

Language: Gofa

Translation by: Wycliffe Bible Translators, Inc.

**Copyright Information**

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Gofa

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.



2014-04-25

---

PDF generated using Haiola and XeLaTeX on 11 Nov 2022 from source  
files dated 29 Jan 2022

c35d6c73-3843-5482-b53e-7559d35deee5